

Powšitkowne WOZJEWJENJA

njedźelu, 14. apryla 2013

Duchowny oratorij „Serbske jutry“

Nowy duchowny oratorij „Serbske jutry“ z pjera Jana Cyža a Chrysty Meškankoweje zaklinči tutu njedźelu, 14. apryla, w 17.00 hodź. znowa w Chróšćanskej cyrkwi. Tuta hudźbna twórba nastaj so składnostnje 150. róčnicy wobstaća Towarstwa Cyrila a Metoda z.t. a wuchadźenja Katolskeho Posoła. Pod wumělskim nawodom Friedemanna Böhme hraje orchester Serbskeho ludoweho ansambla (SLA) z dalšimi hudźbnikami, spěwaja chóry Meja, Lilija, Delany a cyrkwinske chóry z Chrósćic, Njebjelčic a Wotrowa kaž tež chóraj Bratrowstwa a SLA. Solisća su Daniela Hazec, Tanja Donatec, Michal Foršta a Gerald Schön. Chróšćanscy wosadni dujerjo, šola a Jakub Hantuš jako řečnik w nowym duchownym oratoriju tohorunja sobuskutkują. Zastup je darmotny, za wudawki prosy pak so wo pjenježny dar do korbika při durjach. Wšitcy zajimcy su wutrobnje pře-prošeni.

Nyšpor z požohnowanjom motorskich

Popołdnjo z požohnowanjom motorskich zahaji so njedźelu, 28. apryla, w 14 hodź. z nyšporom w Ralbičanskej cyrkwi. Po nim požohnują so motorske. Přizamknje so wulět.

Zhromadny dzeń za 1. a 2. lětnik

Na zhromadny dzeń přeprašuje Dekanatne dušepastyrstwo šulerki a šulerjow 1. a 2. lětnika sobotu, 4. meje, wot 9.00 do 15.00 hodź. do Don Boskoweho domu we Worklecach. Zajimcy njech so prošu hač do wutory, 30. apryla, pod telefonowym čisłom (03 57 96) 8 87 07 we Worklecach přizjewja. Za wudawki dnja zhromadzi so wot kóždeho wobdźělnika přinošk we wysokosci třoch eurow.

Ministrantska kopańca

Tradicionalny koparski turněr serbskich ministrantow budže lětsa swjatkownu wutoru, 21. meje, w Pěskecach. Započatk je w 9.00 hodź. z Božej mšu we wjesnej kapałce.

Městna za putnikowanje na Morawu hišće swobodne

Składnostnje 1.150. róčnicy přichada swjateju Cyrila a Metoda na Morawu planuje Towarstwo Cyrila a Metoda z.t. wot štwórtka do njedźele, 4. do 7. julija, putnikowanje wěriwych ze serbskich wosadow na Velehrad. Někotre městna su hišće swobodne. Štóž ma zajim, so na tutym putnikowanju wobdźělič, njech so skazanja hotela dla hač do pjatka, 12. apryla, w redakciji Katolskeho Posoła přizjewi, telefonowe čisło (0 35 91) 55 02 12.

Putniskej jězbje do Heiligenstadta a Korutanskeje

Lětušej putniskej jězbje z Tereziju Kubašec powjedzetej putnikow do Eichsfelda a Korutanskeje. Přenja budže wot pónđzele do srjedy, 3. do 5. junija, přenocowanje je w Heiligenstadće planowane. W nazymskich prózdninach je tydženska putniska jězba do Tinje w Korutanskej předwidžana, a to wot soboty do soboty, 19. do 26. oktobra. Dalše informacije poda a přizjewjenja přijimuje Terezija Kubašec w Radworju, telefonowe čisło (03 59 35) 2 04 25.